



INATSISARTUT

**Aningaasaqarnermut Akileraartarnermullu
Naalakkersuisoq**

Ulloq: 19. december 2023
J.nr.: 01.31.06/23-01061

**Aningaasaqarnermut Akileraartarnermullu Ataatsimiititaliap marlungornermi ulloq
19. december 2023-mi aalajangiineranik Naalakkersuisunut ilisimatitsineq.**

**Atuinerunerup atuinikinnerullu malitsigisaanik Peqqissutsimut suliassaqarfimmu 34-
mut missingersuutinu sunniuteqanngitsumik ilassutitu aningaasaliineq.
Ataatsimiititaliaq suliaa nr. 01.31.06/23-01061.**

”Naalakkersuisut inassutigaat,

Kontumut pingaarnermut 34.11.01 Napparsimasut nunani allani
katsorsarneqartarnerat, tarnikkut nappaatit-nut aningaasaliissutit 15.000.000
kr.-nik ilaneqassasut.

Kontumut pingaarnermut 34.11.04 Kalaallit Peqqissartut Illuat-nut
aningaasaliissutit
1.239.000 kr.-nik ilaneqassasut.

Kontumut pingaarnermut 34.12.01 Nunap immikkoortuini peqqinnissaqarfii,
nakorsanit sullinneqarneq, aningaasaliissutit 29.415.000 kr.-nik ilaneqassasut.

Kontumut pingaarnermut 34.12.03 Napparsimasunik angallassineq
pinasuartumillu angallassinerit il.il., aningaasaliissutit 1.730.000 kr.-nik
ilaneqassasut.

Kontumut pingaarnermut 34.12.06 Ataatsimut aningaasartuutit-nut
aningaasaliissutit
1.000.000 kr.-nik ilaneqassasut.

Kontumut pingaarnermut 34.11.02 Napparsimasut nunani allani
katsorsarneqartarnerat, tarnikkut nappaatit-mi aningaasaliissutit 3.238.000 kr.-
nik ilanngarneqassasut.

Kontumut pingaarnermut 34.11.03 Dronning Ingridip Napparsimavissua-nut
aningaasaliissutit 14.800.000 kr.-nik ilanngarneqassasut.

Kontumut pingaarnermut 34.11.12 Illerfinnik assartuinerit-nut
aningaasaliissutit 600.000 kr.-nik ilanngarneqassasut.

Kontumut pingaarnermut 34.12.02 Nunatsinni Peqqinnissakkut Ilinniartitaanikkullu suliniutit-nut aningaasaliissutit 4.000.000 kr.-nik ilanngarneqassasut.

Kontumut pingaarnermut 34.13.01 Peqqinnissaqarfiit, kigutigissaaneq, aningaasaliissutit 4.211.000 kr.-nik ilanngarneqassasut

Kontumut pingaarnermut 34.01.01 Peqqissutsimut Naalackersuisoqarfik-mut aningaasaliissutit 1.500.000 kr.-inik ilanngarneqassasut.

Kontumut pingaarnermut 34.01.02 Napparsimasunut taarsiissutit-nut aningaasaliissutit 7.400.000 kr.-nik ilanngarneqassasut.

Kontumut pingaarnermi 34.01.06 Kalerrisaarinermi sianerfissaq-mut aningaasaliissutit 1.656.000 kr.-nik ilanngarneqassasut.

Kontumut pingaarnermut 34.11.08 Atornerluisunik katsorsaanissamut pilersaarut-mut aningaasaliissutit 4.315.000 kr.-nik ilanngarneqassasut.

Kontumut pingaarnermut 20.11.50 Ingerlatsinermut sillimmatit, aningaasaliissutit 2.714.000 kr.-nik ilanngarneqassasut.

Kontumut pingaarnermut 20.11.70 Suliniutinut nutaanut sillimmatit 3.950.000 kr.-nik ilanngarneqassasut.

Aningaasaqarnermut Ataatsimiititaliap oqaaseqaatai apeqqutaalu

Peqqissutsimut suliassaqarfimmi aaqqiissutissat, tassungalu ilanngullugu sulisussarsiortarnikkut pissutsit annertuumik aningaasartuuteqarfiusut ataatsimiititaliamit assorsuaq ernumanartutut isigineqartut sulissutiginnissaat pingaaruteqarmat ataatsimiititaliamit erseqqissaatigineqassaaq. Suliami matumani aningaasarpassuit qinnutigineqarput erseqqinnerusumik itisilerneqartussatut ataatsimiititaliamit kissaatigineqartut.

Konto pingaarneq 34.12.01 Nunap immikkoortuini peqqinnissaqarfiit, nakorsanit sullinneqarneq.

Nunap immikkoortuini peqqinnissaqarfiit sulisussarsiortarnikkut immikkut ajornakusoortitsisut, taamaattumillu taartaasartussarsiortarfinnut kiisalu atorfininnermut soraarnermullu atatillugu aningaasartuutit qaffariarujussuarsimasut Naalackersuisut paasissutissiipput. Pissutsit taakku itinerusumik Naalackersuisunit nassuiaatigineqassasut ataatsimiititaliamit kissaatigineqarpoq.

1. 2024-mit peqqissutsimut suliassaqarfimmut aningaasanik amerlanernik immikkoortitsisoqarsimasoq ataatsimiititaliamit maluginiarneqarpoq. Tassunga atatillugu sulisussarsiortarnikkut immikkut ajornartorsiuteqarnermik pissutsit eqqarsaatigalugit aningaasat taakku atornerneqarnissaat Naalackersuisunit qanoq naatsorsuutigineqarnermoq itinerusumik nassuiarneqassasoq ataatsimiititaliamit kissaatigineqarpoq.

2. Kiisalu konto pingaernerup 34.11.01, Napparsimasut nunani allani katsorsarneqartarnerat, timikkut nappaatinut tunngasup ataani katsorsartinnerit amerlassusiat katsorsartinnernullu aningaasartuutit pillugit paasisuttissanik erseqinnerusumik tigusaqarnissani ataatsimiititaliap kissaatigaa.

Siuliani allassimasut tunngavigalugit Peqqissutsimut Naalakkersuisoq matuma kinguliani allassimasut pillugit ilisimatitsiffiusumik ataatsimeeqatigiinnissamut ataatsimiititaliamit aggersarneqalersaarpoq:

- Ilisimatitsiffiusumik ataatsimiinnissaq siulleq pilertortumik ukiullu aallartinnerani ingerlanneqassaaq. Ilisimatitsiffiusumik ataatsimiinnermi eqqartorneqassapput tarnikkut nappaatillit pissutsillu ulluinnarni atuuttut, Ombudsmandeqarfiup misissuina kingulleq nalunaarutaalu kiisalu tarnikkut nappaatinik suliassaqarfiup peqqinnissaqarfik pillugu ukiakkut isumaqatigissummi salliutinneqarnerat naapertorlugit. Peqqissutsimut Naalakkersuisoq tarnimikkut nappaatilinnik katsorsaasernerup pissusisamisut ingerlaqqilernissanut naliliissutaa pilersaarutaalu ataatsimiititaliamit paasisaqarfigerusunneqarpoq.
- Ilisimatitsiffiusumik ataatsimiinnissap aappaa kingusinnerusukkut ingerlanneqassaaq. Ilisimatitsiffiusumik ataatsimiinnermi tassani ilassutitut aningaasaliissuteqarnissamik suliaq matumani pineqartoq ataatsimiititaliallu taassuminnga akuersissuteqarnera tunngavigalugit Peqqissutsimut Naalakkersuisup ataatsimut naliliinissaa ataatsimiititaliamit kissaatigineqarpoq. Aataatsimiititaliamit ilaatigut paaserusunneqarpoq ilassutitut aningaasaliissuteqarnissamik suliaq matumani pineqartoq qanoq oqariartuutaanersoq, tassungalu ilanngullugu peqqissutsimut suliassaqarfimmi unammilligassanut utikattunut pissutaasunik naalakkersuisut paasisaqarsimanersut. Taakkua saniatigut peqqinnissaqarfik pillugu isumaqatigiissutip qanoq ingerlanerata malinnaaffiginissaa ataatsimiititaliamit kissaatigineqarpoq.

Ilaqutariinnermut Peqqissutsimullu Ataatsimiititaliaq ilisimatitsiffiusumik ataatsimiinnerni peqataasussatut ataatsimiititaliamit qaaqquneqalersaarpoq.

Aningaasaqarnermut Ataatsimiititaliap aalajangernera

Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput.**

Inussiarnersumik inuulluaqqusillunga



Asii Chemnitz Narup

Aningaasaqarnermut Akileraartarnermullu Ataatsimiititaliap siulittaasua